

von der Linde

Freitagii Adami Vota gamelia
Apollinis et Musarum.

PANEG. et VITAE
Polon.

N^o. 451

ANT

D

P

E

PR

D

VOTA GAMELIA
APOLLINIS & MUSARUM
dedicata
ANTIQUA GENERIS ET PROPRIA VIRTU-
TUM AC ERUDITIONIS NOBILITATE
VIRO-JUVENI,

DN. CAROLO von der Linde
SPONSO:

&
PUDICISSIMÆ MODESTISSIMÆQ;
VIRGINI

ELISABETHÆ,
PRÆSTANTISSIMI HONESTISSIMIQ;
VIRI

DN. JOHANNIS DALMERI
CIVIS apud Gedanenses primarii
FILIÆ,

SPONSÆ;

Celebrantibus nuptias X. Kal. Maji, Anno
dierum Mæssæ M, DC, XIX.

M. ADAMO FREITAGIO THORUN

Gymn. patrii Collega,

Exscripta Typis

ab

AUGUSTINO FERBERO Seniore



*Invitatus ad has volui me sistere tadas:
Esse & splendoris pars quotacumq; sacri.
Officii sed me retinet jam publica cura,
Cui me sancta DEI dextra praeesse juber.
Quare, cum praesens non possim fundere vota;
Proq; novis Sponsis sollicitare DEUM:
Absens hoc faciam. VOS MUSE & APOLLO beatum
Conjugium huic casto conciliate Pari.
At vos Conviva, qua vena poetica promer,
Excipite hac placido pectore, fronte hilari.*



BIBLIOTH. UNIV.



JAGELLONICAE

A P O L L O.



INDANUM genus est ex proavis potens,
Res gestas numeret quis generis boni?
Quod Virtutis habet signa ab avis data,
Excelsos animos significantia.

DALMERO tribuit sed bona plurima

Fortuna: aut potius, qui bona cuncta dat,
Humani generis mirificus sator,
Mundum qui regit hunc pro libitu, DEUS.

LINDANUM genus hic ampliet: & simul

DALMEROS jubeat crescere perpetim,
Ceu Laurus virides assidue comas
Arbor sacra mihi servat amabiles.

C L I O.

Qui dixit primâ magni sub origine Mundi:

CRESCITE: qui longâ natos natusq; subinde

Porrexit serie primævis patribus olim:

Qui varias anni remeantis temperat horas,

Atq; hyeme exacta renovat per corpora vires,

Quæ terrâ sugunt alto sub Sole vigorem:

Qui Verbo Mundum fecit: qui versat & ætra

Nutu: Vos jubeat traducere molliter ævum:

DALMERIS ut Tilia gelidâ canescat in umbrâ.

MELPOMENE.

Vitibus grata est velut Ulmus alta,

Brachijs coelo nitido propinqua:

Huic maritatæ pariunt racemi

pondera dulcis.

Sic & Uxori placidus Maritus

Gratus est castæ: parit hæc & illi

Fœdere ad Legem sociata sanctam

Pignora lecti.

THALEIA.

Nil est floridius magis,
Quàm si corda duo castus amor liget.
Namq; hoc sic voluit DEUS
Humano generi Legifer optimus:
Naturæ inferuit facès
Ardoris liciti prima ab origine:
Metas constituit sacra
Concessæ pariter voce libidinis:
Inter quas ut amet suam
Omnis Vir sociam sancit: & crucis
Adjecit rigidæ minas
Dulcoris nimii temperiem bonam.

EUTERPE.

Conviva curas dispellite splendido Lyæo,
In poculis qui lucet instar ignis:
Atq; animos hilares reddit, simul erigit jacentes
Calore suavi, dissicitq; cunctos
Angores: læti hunc assumite: Temperanter autem
Haurite: morbos nam parit nocentes
Immoderatè haustus: Medica hinc manus ære turget amplex
Quando dolores pharmacis recundit.
Ergo animis læti consurgite fausta comprecantes
Sponsis novellis, prosperasq; noctes:
Ut postquam Luna novies reparata lux nitebit
Fecunda proles, spes domus perennet,
Et vultu ac animo vigili referat parentem utrumq;
Virtutum amatos per choros oberrans.

TERPSICHORE.

Decretum fuerat magni olim Lege Solonis:
In thalamos abitura mariti

Ut degustaret Sponsa ante Cydonia mala;
Quæ suavi sunt prædita odore;
Ut labris residens accepti gratia odoris
Cum Sponso religaret amore
Sponsam : quæ charum fuit amplexura maritum.
In thalamos abitura jugales.
Vim constipandi sunt nacta Cydonia malâ;
Creduntur stomacho addere robur.
Sic & amica fides dubi pectora nectit amore,
Robur & addit amabile vinculum
Ædibus atq; Orbi : quia pignora læta propagat,
Humanam speciemq; perennem
Efficit. ô niteat thalamus novus iste frequenter
Et pulchrâ prole & generosa.
Dicite iò cuncti : voto DEUS annuat isti.
Exaudit qui vota piorum.

ERATO.

Reges potentes, Persia quos tulit,
Conviviorum quando aderat dies,
Suas penes se collocabant
Conjugio socias ligatas.
At quando lusus jam remerarii,
Illiberales, Ebrietas fera &
Vigere capit, tunc pudicæ
Protinus inde abiêre Matres:
Ne fortè lusu tam remerario
Offenderentur. Turpia facta nam
Mentes renellas & pudicas
Excruciare queunt repente.
Reges potentes, Persia quos tulit,
Et vos decebit nunc etiam sequi,
Qui nuptiis his interestis:
Sic procul hinc opus indecorum.

*Nam læta mens nil curat inutilem
Repletionem, vel stolidos modos,
Quos Barbarorum est usq; tetræ
Gestibus & levibus referre.*

*Sponsis novellis quin potius bona
Mecum libenter Fata precamini;
Feliciter ut copulati*

*Prosperitate fruantur omni.
Nil Musa Vobis, jure licet queam,
Præscribo. Nam sum sana Erato, meum
Amore nomen est repletum:
Consilium do sed hoc honestum.*

CALLIOPE.

*Bis senos Modulos Musica consonos
Ex septem numero fontibus eruit:
Hos præter reliqui sunt duo inutiles:*

*Aures nam violant sono
Distorto: ut reliqui suaviter omnibus
Inter se numeris conveniunt. probè
Hanc rem percipiunt, qui numeros sciunt
Aptè jungere Musicos.*

*Quid Natura docet? quando duos Modos
Tantum fonte suo promit inutiles?
At sex è reliquis fontibus utiles?*

*Istud, quod modò proferam.
Quòd CONCORDIA sit semper amabilis,
Et vitæ generi cuilibet utilis,
In quo quemq; decet vivere musicè,
Concinne, bene, comiter.*

*Est CONCORDIA Rebus bona publicis
Res, est hæc eadem commoda maximè
Privatis: thalamos hæc eadem facit
Omni tempore floridos.*

At DISCORDIA res noxia; perdidit
Amplas, & celebres nomine publicas
Res: privatae etiam bestia ab hac cadunt:
Et sancti thalami ruunt.

Concordes igitur vivite, quos dies
Hæc sacro religat foedere, prosperi
Vivetis: mihi vos credite Sponsuli,
Quos lux hæc religat, novi.

U R A N I E.

E Terrâ in cælum Sponsos subducere conor:
Ut signa spectent lucida,

Officium nobis pulchrâ sub imagine pingunt
Hæc utriusq; Conjugis.

Sol docet, egregii quis debeat esse mariti
In comparem favor suam.

Luna bona Uxoris sua commoda monstrat: inique
Uxoris atq; incommoda.

Sol lumen Lunæ communicat: aurea Phæbe
Hoc absq; non nitesceret.

Uxorem foveat sic & pia cura Mariti.
Sua est Vir Uxoris caput.

Cum Solem sequitur, tum lumine crescit amans
Arbitra Noctis candida:

Quando præcedit flammania lumina Solis,
Decrescit illa lumine.

Sic, quæcumq; marem observat fidißima conjux,
Honore crescet proprio.

Uxor sed spernit quæcumq; superba maritum,
Honore debito excidet.

SPONS I ergo Solis Lunæ & crescentis amicas
Explete vivendo vices.

Hoc Natura cupit depicta in Lumine utroq;
In Cynthia, inq; Cynthia.

Sin CAROLUS fide Caput & Defensor ELISAB.
ELISA CAROLO pareat.

POLTHTMNIA.

Paribus nos Iovis ô pignora chara
Animis jam pia Sponsis rata vota
Tribuamus : decet hoc nos : DEUS audit pia vota.
ELISABBETH CAROLO sit pia conjux :
CAROLUS sit pius idem sibi junctæ :
Amor idem , cor idem sit , DEUS idem , thalamusq;
Eris absit procul , ædes favor almus
Beet , ô nobile par , te DEUS usq;
Tegat , ornet : benè vivas , valeas & benè vivens.

Additamentum Enigmaticum

Graja quidem vox sum : sed me Gens sacra putavit :
Igne etiam careo : non sine flamma in eo .
Suadeo , me tacitum ne largius accipe : flammis
Namq; cades , dum te fax mea plena teres .



BIBLIOTHECA
JAGELLONICAE

Ms. 1. 7.

ota.

sq.

BYNDON



ONICAE



stdr0006221

Biblioteka Jagiellońska

